

黃陂縣志卷十四

同知升銜知黃陂縣事 劉昌緒重修

候選道前翰林院庶吉士 徐瀛總輯

儀禮志

慶賀 聖誕元旦 開讀 丁祭

祭關帝 祭文昌 壇壝

鞭春 祈禱 救護 日食月食

上任 鄉飲 閱武

儀圖 丁祭壇壝鄉飲

黃陂縣志 卷之十四 儀禮

一

班朝涖官非禮不行禱祠祭祀非禮不莊禮儀三百威儀三千其致一也一邑之內如慶賀而揚休虎拜丁祭而誌美鼉逢偏羣神洽百禮固煌煌乎鉅典秩秩乎上儀也至於禱雨祈暘救月護日鞭春履任講武獻賓何一非秩宗所定策府所頒者舊志一一備載之以期式禮莫愆威儀卒度今仍其舊志儀禮慶賀

聖壽元旦長至先一日縣正率僚屬執儀仗設龍亭於關聖祠焚香習儀畢即迎至 邑治正堂次日五更鼓三



嚴各官朝服入行慶賀禮縣正詣香案前祝曰某衙  
門某官臣某等荷 國厚恩叨享祿位賴天生我君  
保民致治今茲

聖誕或元旦或長至

聖壽日增臣等下情無任欣躍感戴之至祝訖復位拜山  
呼禮畢各官改位西向跪俯伏候儀仗送龍神亭奉  
安於原所

開讀

詔至先遣執事者設龍亭并綵輿儀仗於

黃陂縣志

卷之四

儀禮

二

詔至處縣正率僚屬師生人等郊迎行禮畢上馬前導  
朝使隨行龍亭後至縣堂朝使立於龍亭之東西向  
贊禮者曰眾官排班班齊作樂拜畢朝使捧

詔授展讀官展讀官接

詔立開讀臺上亦西向開案宣讀眾官皆跪聽宣畢仍  
捧

詔授朝使仍置龍亭中眾官拜山呼畢縣正詣龍亭前  
跪問

聖躬萬福朝使鞠躬答曰







道冠古今刪定六經垂憲萬世茲惟仲春秋謹以牲帛

醴齊粢盛庶品式陳明薦以復聖顏子宗聖曾子述

聖子思子亞聖孟子配尙享讀畢俯伏興平身麾生

舉麾樂生接奏先未終之樂詣顏子前跪奠帛獻爵

獻畢俯伏興平身詣曾子子思孟子俱同前儀獻畢

行分獻禮各獻官詣盥洗所盥畢詣酒尊所酌酒詣

東西哲東西廡神位前俱跪奠帛獻爵獻畢樂止俱

俯伏興平身復位樂盡麾生偃麾櫟啟樂止行亞獻

禮如初獻禮禮止三獻樂止跪飲福受胙畢俯伏興

黃皮縣志

卷之四

四

平身復位鞠躬拜興二平身各官拜訖徹饌麾生舉

麾擊祝樂奏咸和之曲司節引舞生序立樂盡麾生

偃麾櫟啟樂止送神麾生舉麾擊祝樂奏咸和之曲

鞠躬拜興四平身各官拜訖樂盡麾生偃麾櫟啟樂

止讀祝者捧祝進帛者捧帛各詣瘞所望瘞麾生舉

麾擊祝樂奏咸和之曲捧祝帛者詣望瘞位獻官分

獻官陪祭官至瘞所祝一帛一段數至九段焚訖樂

盡麾生偃麾樂止各官仍至祭位一揖散班

啟聖祠祝文 行禮同至聖



年月日某官某等致祭於啟聖公孔氏之神曰維公  
誕生至聖為萬世王者師功德顯著茲因仲春告祀

以先賢顏氏曾氏先賢孔氏先賢孟氏配尚享

名宦祝文 祭祀陳設同從祀諸儒四位共祭一壇

功在斯民澤及後世尊崇祀典陂人永式

鄉賢祝文 祭祀陳設同名宦亦四位共祭一壇

德重鄉邦名垂後世奉茲馨香以興嗣歲

執事

通贊二監洗濯二監宰一收支祭物二監庭燎瘞坎

黃皮縣志心 儀禮 卷之四 五

二引贊二讀祝一陳設七司帛七司爵七司盥一司

悅一瘞毛血二司香燭三飲福一受胙一

祭品釋義

太羹 煮肉汁不用鹽醬 和羹 以猪腰羊胙肉造 形鹽 用白鹽印虎形

菹 用本物切去本末取四寸醢醢碎猪肉用鹽酒料調造

按漢高帝十二年過魯以太牢祀孔子明帝令郡

縣通祀孔子於學校章帝祀孔子以六代之樂桓

帝給酒米牛羊詔春秋享祀孔子宋文帝釋奠舞

六份設軒轅之樂牲牢器具如上公後魏文成勅



有司行薦享之禮北齊顯祖制春秋二仲釋奠隋文帝制州縣學以春秋二仲月釋奠唐太宗祀孔顏備俎豆干戚高宗登歌用宣和之舞玄宗詔以仲月上丁釋奠宋眞宗頒諸州釋奠儀注圖仁宗詔釋奠用登歌徽宗更撰釋奠樂章又賜堂上大樂正聲一部及禮樂於闕里高宗加邊豆十二禮如社稷元成宗置先聖廟登歌樂明洪武元年御制祭文以通贊舍人張漢英齋香一炷銀十兩往曲阜買牛酒致祭更定孔廟釋奠樂章舞六佾文命

製大成樂器頒行天下府州縣學樂用登歌朔望令郡縣以下詣學行禮英宗令祭丁品物非其土產者以所產代景帝增兩廡祭品憲宗增樂舞八佾邊豆各十二孝宗釋奠用太牢加幣世宗釐正祀典遂永爲定式春秋仲月上丁以正官爲獻官縣佐教官爲分獻官

本朝龍興首勅督學道遍修文廟各制尙仍其舊

壇壝祭典

社稷壇祭以春秋二仲月上戊日春日告秋日報用



爵三帛一鉶一簋各二籩四豆四羊一豕一神主以木爲之一書黃陂縣社之神一書黃陂縣稷之神俱北向奠帛三獻亦行飲福受胙禮牌主計高二尺二寸闊四寸五分厚九分座高四寸五分闊八寸五分厚四寸五分

### 祝文

維某年歲次某月朔日甲子具官某等敢昭告於縣社之神縣稷之神品物資生蒸民乃粒養育之功司土是賴惟茲仲春或仲秋禮宜告祀或報祀謹以牲

## 黃陂縣志

### 卷之五

儀禮

七

帛醴齊粢盛庶品式陳明薦尙饗祀板木爲之白紙寫文粘其上祭畢焚之

風雲雷雨山川壇每歲祭以春秋二仲上巳日奉遷城隍神主前來共壇合祭風雲雷雨之神主居中境內山川之神主居左城隍居右陳設同社稷壇行禮與社稷壇同

### 祭文

維某年歲次某月朔日甲子具官某等謹昭告於風雲雷雨之神黃陂縣境內山川之神黃陂縣城隍之



神惟神妙用神機生育萬物莫我民居足我民食某等欽奉

上命忝職茲土今當仲春或仲秋謹具牲醴庶品用伸常祭尙饗

邑厲壇每歲春清明日秋七月十五日冬十月一日祭之設厲主二題曰黃陂縣境內無祀鬼神先期三日奉城隍神主至厲壇位正中南向以主厲祭設無祀鬼神位於壇下左右用羊三豕三米三石炊飯席地焚香列炬城隍前用羊一豕一飯羹祭畢奉城隍

### 黃陂縣志

卷之五

儀禮

八

神主還廟

祝文

維某年某月某日具某官等遵承到禮部符文爲祭祀本縣闔境無祀鬼神等眾事該欽奉

聖旨普天之下后土之上無不有人無不有鬼神人鬼之道幽明雖殊其理則一故天下之廣兆民之眾必立君以主之君統其大又設官分職於府州縣以各長之各府州縣又於一百戶內設一里長以統領之上下之職綱紀不紊此治人之法於此天子祭



天地神祇及天下山川王國各府州縣祭境內山川及祀典神祇庶民祭其先祖及里社土穀之神上下之神各有等第此祀神之道如此尙念冥冥之中無祀鬼神昔爲生民未知何故而歿其間有遭兵刃而橫傷者有死於水火盜賊者有被人取財而逼死者有被人強奪妻妾而殺死者有遭刑禍而負屈死者有天災流行而疫死者有爲猛獸毒蟲所害者有爲飢寒凍死者有戰鬪而殞身者有因危急而自縊者有因牆屋傾頽而壓死者有死後無子孫者此等鬼

魂或終於前代或歿於近世或兵戈擾攘流移於他鄉或人烟斷絕久缺於祭祀姓名泯沒於一時祀典無聞而不載此等孤魂死無所依精魄未散結爲陰靈或倚草附木或作爲妖怪悲號於星月之下呻吟於風雨之時凡遇人間節令心思陽世魂杳杳以無歸身墮沉淪意懸懸而望祭興言及此憐其悽慘故勅天下有司依時享祭在京都有大厲之祭在國王有國厲之祭在各府州有郡厲之祭在各縣有邑厲之祭在一里又有各鄉厲之祭緣於神依人而血食



人敬神而知禮仍命本處城隍而主此祭欽奉如此  
今某等不敢有違謹設壇於城北以三月清明日或  
七月十五日或十月初一日置備牲醴羹飯耑祭本  
縣合境無祀鬼神等眾靈其不昧來享此祭凡我一  
縣境內人民倘有忤逆不孝不敬六親者有姦盜詐  
僞不畏公法者有拘曲作直欺壓良善者有躲避差  
役靠損貧戶者以此頑惡奸詐不良之徒神報於城  
隍發露其事使遭官府輕則笞決杖斷不得號爲良  
民重則徒流絞斬不得生還鄉里若事未發露必遭

黃陂縣志

卷之四

儀禮

十

陰譴使舉家並染瘟疫六畜田蠶不利如有孝順父  
母和睦親族畏懼官府遵守禮法不作非爲良善正  
直之人神必達之城隍陰加護佑使其家道安和農  
事順遂父母妻子保守鄉里我等合縣官吏人等如  
有上欺朝廷下枉良善貪財作弊蠹政害民者神必  
無私一體昭報如此鬼神有鑒察之明官府非諂諛  
之祭尙饗

移城隍牒

黃陂縣遵承禮部劄付爲祭祀本縣無祀鬼神事該



奉

聖旨普天之下

云

同祭厲文其理則一今

國家治民事神已有定制尙念冥冥之中

云

同厲文

依時享祭仍命本處城隍以主此祭鎮控壇場鑒察諸鬼等類其中果有生爲良善誤遭刑禍死於無辜者神當達於所司使之還生中國來享太平之福如有素爲兇頑身犯刑憲雖獲善終亦出於僥倖者神當達於所司屏之四裔善惡之報神必無私欽奉如此今某等不敢有違謹於某年某月某日於城北設壇

續輯黃陂縣志

卷之十四

儀禮

十一

置備牲酒羹飯享祭本縣無祀鬼神眾等然幽冥異境人力難爲必資神力庶得感通今特移文於神先期分遣諸將召集本縣闔境鬼靈等眾至日悉赴壇所普享一祭神當欽承勅命鎮控壇場鑒察善惡無私昭報爲此合行移牒請照驗欽依施行

祭文

文昌帝君

嘉慶六年奉

特旨崇祀每歲春以二月初三日



聖誕秋以欽天監選定吉日致祭祭品儀節俱照

關帝廟祭文昌帝君先代神位祭品儀注俱照祭關帝廟後

祝文

維

神蹟著西垣樞環北極六匡麗曜協昌運之光華累代  
垂靈爲人文之主宰扶正久彰夫感召薦馨宜致其  
尊崇茲值仲春用昭時祝神其來格鑒此精虔尙饗

後殿祝文

維

續輯黃陂縣志

卷之五

儀禮

三

神祭引先河之義禮崇反本之恩矧夫世德彌光延賞  
期及祥鍾累代焯列宿之精靈化被千秋緯文人之  
主宰是尊後殿用達前庥茲值仲春肅將時祝用申

告潔尙饗

關帝廟

每歲春秋仲月及五月十三日致祭

春秋二祭祭品

帛一白色

牛一

羊一

豕一

籩一

豆一

五月十三日祭品

後殿不用牛餘同



帛一 牛一 羊一 豕一

果五盤

祭日贊引官引承祭官進左傍門至盥洗所贊盥洗盥洗畢引至殿內行禮處立典儀唱執事者各司其事贊引官贊就位引承祭官就位立典儀唱迎神司香官捧香盒就香爐左邊立贊引官承祭官就香爐前立司香官跪贊引官贊上香承祭官立將柱香接舉插鑪內又上塊香三次畢贊引官贊復位承祭官復位立贊引官贊跪叩興承祭官行三跪九叩頭禮

黃陂縣志

卷之五

儀禮

三

典儀唱奠帛爵官行初獻禮捧帛爵官將帛爵捧進神位前奠帛爵官跪獻畢行三叩頭禮退執爵官立獻畢退讀祝官詣安祝文棹前行一跪三叩頭禮捧起祝文立贊引官贊跪承祭官讀祝官俱跪贊讀祝讀畢捧至

神位前跪安盛帛盒內畢行三叩頭禮退贊引官贊叩興承祭官行三叩頭禮立典儀唱行亞獻禮執爵官照初獻禮獻畢退典儀唱行三獻禮執爵官自案右邊照亞獻禮獻畢退典儀唱徹饌唱送神贊引官贊



跪叩興承祭官行三跪九叩頭禮立典儀唱捧祝帛  
饌各詣燎位捧祝帛香饌官各至

神位前俱跪捧祝帛官行三叩頭禮捧香饌官不叩頭  
將祝帛香饌依序捧送承祭官退至西傍立候捧祝  
帛各官過畢復位立贊引官贊詣望燎位承祭官至  
燎爐前焚訖贊引官贊禮畢退

祝文

維

帝浩氣凌霄丹心貫日扶正統而彰信義威振九州完

黃陂縣志

卷之五

儀禮

古

大節以篤忠貞名高三國

神明如在遍祠宇於寰區

靈應丕昭薦馨香於歷代屢徵異蹟顯佑羣生恭值嘉  
辰遵行祀典筵陳饗豆几奠牲醪尙饗

祭後殿

雍正三年追封三代公爵

光昭公正中南向

裕昌公東一室南向

成忠公西一室南向

後殿祝文



維

公世澤遺庥靈源積慶德能昌後篤生神武之英善則歸親宜享尊崇之報列上公之封爵

錫命優隆合三世以肇禋典章明備恭逢諏吉祇事薦馨尚饗

春秋二祭祭品

帛各一 白色 豕各一 羊各一 籩各八

行二跪六叩頭禮承祭官詣各爐前奉香餘同前殿

鞭春

黃陂縣志

卷之四

儀禮

十五

立春先一日縣正率僚屬至東郊外東山寺祭芒神行兩拜禮迎春赴縣儀門外土牛南向芒神西向各官宴而退至日侵晨各官朝服設果酒祭芒神行禮三獻讀祝文曰維神職司春令德應蒼龍生意誕敷品彙萌達某等忝牧是邑具禮迎新戴仰神功育我黎庶尚饗祝畢復行禮各官執綵仗侍土牛而立長官擊鼓三聲眾鼓聲作各官環擊土牛者三鄉人各取牛土以爲宜年

按宋景佑間頒土牛經於天下其土牛以歲之干



色爲首支色爲身納音色爲腹立春日干色爲角  
耳尾支色爲頸納音爲蹄至元所頒經式牛色止  
以立春日爲法日干爲頭角耳色支爲身色納音  
爲蹄尾肚色明初襲用元制正統中始用言者製  
土牛色肚用歲之支干納音如宋法

本朝因之

祈禱

遇水旱縣正齋戒素服率僚屬步詣各壇行香停刑  
禁屠沽旱以渥雨澇以老晴始謝神撤禁

黃陂縣志

卷之四

儀禮

六

按舊制春旱以水日禱社稷山川家人祠戶無伐  
名木無斬山林命暴巫設壇於東門外植蒼繒八  
其神共工以生魚入元酒膊脯擇巫之潔清辨利  
者爲祝祝齋三日服蒼衣先再拜乃跪陳祝曰昊  
天生五穀以養人今五穀並旱恐不成實敬進清  
酒脯醢四拜禮畢得雨報以豚酒黍茅席無斷也  
夏以水日家人祠竈神無舉土功更火浚井暴釜  
於壇杵白於術設壇於南門外植赤繒七其神蚩  
尤祭之以赤雄雞七元酒具清酒膊脯祝齋三日



服赤衣拜跪陳祝如春季夏禱山陵以助之十日  
一徙市於邑南門外五日禁男女無入市家人祀  
中霤無舉土功聚巫市旁設壇於市植黃繒五其  
神后稷祭之毋鮪毋音模禮謂之周禮曰鮪食  
元酒具清酒豬脯令各為祝齋三日黃衣餘皆如  
春秋暴厓巫九日無舉大事毋奠金器家人祀門  
設壇於西門外植白繒九其神少昊祭以桐木魚  
九元酒具清酒膊脯白衣他如春冬舞龍六日禱  
於名山以助之家人祀井無壅水設壇於北門外

黃陂縣志

卷五

儀禮

七

植黑繒六其神元冥祭以黑狗子六元酒具清酒  
膊脯祝齋三日衣祝如春如遇滂祈禱則以火日  
行禮其壇位繒色各從乎司令方神無敢改易

救護 日食月食

設香案縣堂露臺上設金鼓手於儀門內兩傍設樂  
人於露臺下設各官拜位於露臺上俱向日至刻陰  
陽生報日初食各官朝服行禮作樂樂畢執事者捧  
鼓至縣正前擊鼓三聲眾鼓齊鳴食如分各官再拜  
後報復圍各官行禮乃退月食儀同但用常服



按書乃季秋月朔辰弗集於房瞽奏鼓嗇夫馳庶人走周官鼓人救日月則詔王鼓太僕凡軍旅田役贊王鼓救日月亦如之諸侯用帛於社伐鼓於朝退而自責以答天變而不敢忽也明制欽天監推算時刻杪忽先期奏聞下禮部通行天下至期各官俱朝服行禮舊有陰雲則免本朝沿明制雖陰雨不廢敬天變也

上任

先一日齋宿城隍廟至日五鼓祭神祝曰維某年月

黃陵縣志

卷之五

儀禮

六

日某官某敢昭告於風雲雷雨之神山川社稷之神本處城隍之神及應祀神祇曰某奉命來官務備人事主典神祭今者謁神特與神誓神率幽冥陰陽表裏予有政事未備希神默相使我政興務舉以安黎庶予倘怠政奸貪陷害僚屬陵虐下民神其降殃謹以牲醴致祭神其鑒之尙饗祭畢鼓樂導赴縣祭儀門公服從中道入至露臺設香案望闕謝恩畢坐公座卑隸排衙報時押公座畢更服回坐

各員役叅見由卑至尊尊答禮各有差禮生代諭僚屬



曰朝廷設官置吏欲其敬神恤民親賢遠奸興利除  
害某不敏忝茲重任尙賴一二僚屬及邑中長者匡  
其不逮其有利所當興弊所當革者某等當竭力爲  
之以安黎庶諭畢回衙午刻飲公堂宴明日謁廟行  
香

鄉飲酒禮

按鄉飲酒禮人不舉行今舊志有禮節亦告朔餼羊之義也故仍之

明制鄉飲州縣每歲正月望日十月朔日於明倫堂  
行禮以正官爲主位東南以齒德致仕官員爲大賓  
位西北擇年高有行之人或三人或一二人爲僎賓

黃陂縣志

卷之五

儀禮

九

位東北以次長爲介賓位西南以賓之次者爲三賓  
位於賓主介僎之後以教官爲司正以老成生員贊  
禮前一日隄設坐次司正率執事習禮次日黎明宰  
牲具饌其酒筵如古制六十者三豆七十者四豆八  
十者五豆九十者六豆既具主人率僚屬司正先至  
遣人速客客至出迎於庠門外三讓三揖至明倫堂  
復三讓唱升階至月臺中執事擊鼓唱升堂各升堂  
拜訖就位司正至堂中北面立賓主皆立皆揖執事  
者酌酒於觶授司正司正舉酒通贊唱揚觶司正揚



觴曰恭惟朝廷率由舊章敦崇禮教舉行鄉飲非爲  
飲食凡我長幼各相勸勉爲臣盡忠爲子盡孝長幼  
有序兄友弟恭內睦宗親外和鄉里無或廢墜以忝  
所生讀畢司正飲酒畢以解授執事司正揖賓撰以  
下皆報揖司正復位賓撰以下皆坐執事者舉律令  
案於堂中賓主皆拱立讀者詣案北面讀曰大誥鄉  
飲酒醴序長幼論賢良別姦頑異罪人其坐席間高  
年有德者居上高年淳篤者並之以次序齒而列其  
有曾違條犯法之人不許干於善良之席主者若不

分別致使貴賤混淆察知或發覺罪以違制姦頑素  
亂正席者全家移出化外讀畢主賓各一揖復位執  
事者唱斟酒舉饌案至客前主人獻賓薦脯醢設折  
俎賓酬主人如之獻僕介僕介酬皆如之酒三行訖  
工人升歌鼓瑟歌鹿鳴什一飲酒供湯工歌四牡飲  
酒供湯工歌皇皇者華飲酒供湯笙入笙奏南陔又  
奏白華又奏華黍詩歌魚麗笙奏田庚歌南有嘉魚  
奏崇邱歌南山有臺奏由儀於是合樂奏關雎鵲巢  
又奏葛覃采芣又奏卷耳采蘋每詩先歌首章復供



湯請饌訖又讀律誥如前讀畢執事者復按行斟酒  
或五行或十行供湯供饌其禮如前畢乃徹饌賓主  
兩拜訖又賓僕介眾賓拜訖通贊唱謝 恩引贊向  
東北設香案行謝 恩禮唱主送賓於是引禮前導  
送賓於庠門外主賓東西相向三揖乃退

閱武

霜降前三日巡捕官率馬步快及民壯演操至期縣  
正率僚屬至教場祭旗肅神巡捕官督操如制行賞  
罰

黃陂縣志

卷五

儀禮

三


儀圖

丁祭壇壝以及鄉飲酒禮一一開叙似可弗圖然昭  
數昭辨自昔慎之故另圖以防紊次



第一行一簋第二行三爵第三行  
中登兩傍銅第四行二簋

至聖位前陳設圖



計一簋三爵一登二劍  
二簋二簋八邊八豆  
羊一豕各解為五體

第五行二簋第六行八邊第七行  
八豆第八行羊豕

黃陂縣志


卷之四

儀禮

三

四配祭各一壇此一壇式也

四配陳設圖




計一簋三爵一登  
二劍一簋一簋六  
邊六豆一羊一豕  
各解為五體

盥洗一盥盆二在露臺  
下東西向非祭物也故  
不圖



東五哲共祭一壇

十哲陳設圖



西五哲共祭一壇

黃陂縣志

卷之四

儀禮

三

東廡共祭十二壇

兩廡陳設圖



西廡共祭十二壇



每壇計一簋四爵  
 一簋一簋四邊四  
 豆廡各一豕解為  
 四十八分如先賢  
 先儒之數

計一簋五爵一  
 釗一簋一簋四  
 籩四豆一豕解  
 為五體



陳設同 至聖  
僅少太羹一登

# 啟聖祠陳設圖

各配陳設同十哲  
從祀陳設同兩廡

黃陂縣志

卷之四

儀禮

三

宗

爵

爵

爵

和羹  
稷

和羹  
黍

梁

稻

筭	芹	菁	韭	鹽	棗	榛	菱
魚醢	兔醢	鹿醢	醢醢	藁	栗	芡	脯

豕

羊

社

稷

田

瘞坎

縣稷之神

石

讀祝飲

香爐

盥手案  
盥尊案

引贊  
盥洗

陪祭官位  
獻



壇

圖

黃陂縣志

卷之四

儀禮


三五

社

稷

壇

縣稷之神



帛

爵

爵

爵

羹

菁

韭

稻

黍

鹽

棗

醴

醴

梁

稷

蠶


栗

豕

羊

祝

主



香爐

位之福

官

位官祭陪



山 雨 雷 雲 風 圖 設 陳

黃陂縣志

卷之五

儀禮

三

祭祀陳設同社稷壇

冊



帛

爵

爵

爵

羹

菁

韭

稻

黍

鹽

棗

醯

醢

梁

稷

蠶

栗

豕

羊

位


本縣境內山川之神



香爐

飲祝讀

風雷雲



獻

位官祭陪

燎所



川城隍壇圖

黃陂縣志


卷之四

儀禮

三

雨之神

本縣城隍之神



香爐

福之位

官

陪祭官位

鄉

祭服

合屬

讀律生

案酒

其事

僕簿丞

官教

正司

縣知

主

飲

讀律

階陛



酒

圖

寶

年高有德  
致仕官員

黃陂縣志

卷之四

儀禮

庠生徐世溥校

三

介  
之  
長

案誥

贊禮  
讀律誥生

階西

舞  
家

舞臺

國  
祝啟新刊